

Ս. Աստուածածնի տաճարին մէջ Հայոց սեպհական տեղերն են. 1.— Ս. Յովսէփայ Գերեզմանը. 2.— Տեսչի սենեակը. 3.— Եկեղեցիին արեւմտեան բերդը. 4.— Աւագ սեղանը զոր շինել տուած է Հերով Բ. 1300իև. 5.— Ս. Բարբողիմէոսի եւ Թադէոսի սեղանը. 6.— Ընծայման սեղանը. 7.— Լուսարարի ննջասենեակը:

Ընկերովի սեպհականութիւններն են. 1.— Արսափին զաւիրը, զոր Հաննէ (էջ 264) կ'անուանէ Գրունի. 2.— Տաճարիև արսափին դուռը. 3.— Ս. Աստուածածնի Գերեզմանը. 4.— Զգեսաւորչու սեղը. 5.— Զրհուրը, թէև առաջ Հայոց կը պատկանէր: Այս ընկերովի սեպհականութիւններուն մէջ Հայք ունին նաև որոշ իրաւունքներ, որ շատ կանուխէն համաձայնութեամբ կանոնադրուած են:

Հոս զանց կ'ընենք նկարագրել այն հայկական իրաւունքները որ կը վերաբերին կանթեղներու, շարաններու եւ ջահներու, պատարագելու կարգին եւ հանդէսներու, նաև աւելածութեան մասին: Անոնց մանրամասնութիւնները, ինչպէս նաև ընկերովի սեպհականութեանց կանոնագրեալ որոշ իրաւունքները տեսնել Բովանդակութիւն Ազգ. Սեփականութեանց, ընկերովի իրաւանց, արարողութեանց եւ սովորութեանց ի Տնօրինակսև Ս. Տեղիս» գիրքին մէջ (էջ 73—93):



## Ի

### ՊԵՏՐՈՍԻ ՎԱՆՔԸ ԵՐՈՒՍԱՂԷՄԻ ՄԷՋ

Դաւթի աշտարակին դիմացը, Սիոն երթալու ճանապարհին վրայ Անկլիքան բողոքականաց եկեղեցւոյն ետեւը կը գտնուի Եւզուպիեհն անունով մղկիթ մը, որ ժամանակին քրիստոնէական եկեղեցի ըլլալով՝ իսլամ աղօթատեղիի փոխարկուած է: Նոյն շէնքը՝ հակառակ որ բանուկ պողոտայի մը վրայ կը գտնուի, աննշմար կը մնայ անցորդներէն, վասն զի ան բոլոր կողմերովը